

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA*

QUOD LIBETARIIS DISPUTATIONIBUS

manè discutienda in Scholis Medicorum, die Martis decimâ-quartâ mensis Martii, anni M. DCC. LXXXVI.

M. CAROLO GEILLE DE SAINT LEGER, Equite, Consiliario Medico Regis ordinario, primi Ordinis & totius Equestris agminis in Exercitu Medico primario, Doctore Medico, Præfide.

Utrum Ani fistula ferro tutius quàm Causticis, aut Ligaturâ curetur?

I.

ANUS est extremum inferius intestini recti. Triplici instructus est musculo: horum unus, ab officio, constrictor sive sphincter Ani dicitur: ab inferioribus ossis sacri vertebra enatus podici circumducitur: ossibus coxendicis per ligamenta membranacea lateraliter alligatur; antèrius vesicæ urinariæ per fibrosos nexus, in feminis collo uteri per proprios hujus musculos adhærescit. Superiori parte crassius est, tenuior inferiori, quâ cuti inseritur, & firmiter connexus est. Dicatur hic unus aut triplex musculus, nihil ad rem. Anum claudine feces injussæ excernantur. Rêliqui duo muscoli levatores Ani appellantur, originem habent utrinquè à parte internâ & laterali ossis ischii, & quandoquè pubis, desinunt in Ani sphincterem. Si musculum constrictorem, qui ad inferiora plus minùsve detruditur, prout majori vel minori conatu egeruntur excrementa, fursùm retrahunt in locum pristinum. Arterias & venas ab Ilaciis internis habet podex, quæ ob id hæmorrhoidales audiunt, quòd non rarè per Anum cruor effluat. Qui in venis hæmorrhoidalibus continetur sanguis, facillè lentescit, spissescit, corrumpitur. Plures inter alias causas, compressionem cogitabis, tum ab induratis fecibus, tum ob sessionem aut equitationem diuturniorem. His annu-mera causæ, ictus quæis supervenit contusio. Anus igitur tumoribus & abscessibus valdè obnoxius cognoscitur. At aliquandò dysenteria, tenesmus, alvi fluxus diù permanentes aut præpostèrè suppressi, sæpissimè hæmorrhoides cæcæ, dolentes, non ritè fluentes, aut legitimè fluentes perperam siccant, abscessus generant: horum soboles fistula. Id nomen est ulceri alto, angusto, calloso, pus fundenti, copiosum si ex pluribus partibus deducatur; album, leve, si musculos tantum perfererit: at ex nervoso loco coloris quidem ejusdem, sed tenuius & minus: ex nervo pingue, & oleo non dissimile.

Cels. Lib. 5.
c. 28.

* Propugn. à L. A. FOLLIOT DE SAINT-VAST, Præs. M. H. GUYOT, anno 1736.

B

ANI fistulæ, sede, facie, formâ, indole, inter se differunt. Intestinorum rectum aliquando ejusque musculos afficiunt, atque ultra trium digitorum altitudinem perreptant. Aliàs in margine podicis consistunt. Aliàs ab intestino secedunt usque ad os sacrum, coxas, femora, vescam ipsamque penis radicem spatiate, gyros revolvunt. Simples modò, modò plures observantur cuniculi. Triplex ergò fistulæ Ani species. Nunc foris impervia intestinum perforat. Nunc margine podicis perforatâ integrum remanet intestinum. Nunc intus hiat & forinsecus. Fistula intestinum duntaxat perforans. externo expers ostio his signis innotebit: partes fiaitimæ tumescunt, inflammantur, dolent, indurefcunt, pulsatione exercentur, quandoque disuria vel stranguria præit; dein suppuratione peractâ, feces purè aspersæ egeruntur, pruritus in sphinctere Ani molestus est, tandem aliquid asperi, digito in intestinum immisso, perferuntur. Fistula foris & internè hians, non solum puri sed & flatibus exitum præbet. Fistula externè aperta, internè verò oclusa specilli ope distinguitur, specillum enim certior fistulæ sedis indagator. Specillum in fistulam digitus oleo illitus in Anum immittuntur, ut altitudo fistulæ, eius incessus, hiatus explorentur. Hæc viâ fistulam secundum intestinum irrepere ipsumque perforare, vel ab ipso recedere ac vagari; simplicem esse aut cuniculos agere faciliè deprehendiur. Quâ sit ut prognosis & curatio varia instituenda sit. Veterem fistulam liberè pus emittentem, parum asserentem incommodi, valetudini non adversari, quin etiam conducere experientiâ discitum est. Si aliis excurrat fistula, vescam, ischion, os sacrum pertingat, aut medios Ani musculos transgrediatur, cura, quam vulgò *palliatiivam* vocant, adhibenda. Quid itâ? invita alvi dejectio succederet, sinibus profundioribus, cariei ossium mederi nequiquam posses. Tunc universalibus præsidis in usum vocatis, ægrum Naturæ committere juvat. Cæterarum podicis fistularum curationem aggredieris? hanc perficies ferro tutius quàm causticis aut ligaturâ.

I I I.

IN hoc tota posita est Ani fistulæ curandæ ratio, ne plus minùsve quàm par est illa aperiatur, ne partes sanæ frustra discerpantur, aut ulcerosæ & callosæ intactæ remaneant. Quidni huic aperturæ faciendæ *escharotica* uturpentur? vehementioribus enim aut mitioribus adhibitis, major minorve procreatur *eschara*. Egregium consilium! sed experientiæ & rationi absonum. Quis caustici *energiam* adeò noverit, ut ejus effectus suo arbitrio componere valeat? Cordatus Medicus validiora aut mitiora æqualitèr exhorrescit: ut hæc muneri proposito imparia, illa nimæ corrosiois capacia. Causticum exlex & effrenum nullis regulis subijcitur. Hujus effectus si immodicus, vix ac ne vix quiddè coercetur. In variis subiectis partes plus minùs duræ, magis minùsve resistunt. Hinc de medicamento naturâ, indole, dosi, nihil certi habetur. Num *escharotica* sero dissoluta atque ultrâ citràque diffusa, absumendis duntaxat partibus insidebunt? quot & quàm necessariò partes insontes adurentur! At quanto cum dolore videas homines miserimos diem integrum, imò diutius immanissimè cruciari, jactari, ejulare. Nequè tamèn forsàn adeò reformidanda est strages illa partium innociarum, quàm timendum est ab iis, quæ dolores invectunt, symptomatibus. Dolor immanis vigilias, vigilias febres, febris plegmonas, phlegmones convulsionem parit, convulsionem non rarò mors excipit. Aliundè quoquè discito causticorum pericula. Lethalia sunt à telis inflicta vulnera. Animalia quorum in vulneribus oleum Tabaci aliudve toxicum instillatum fuerit enecantur. Nonne spirituosa, emollientia, narcotica externè admota vires suas exerunt? Cicuta diutius suprà regionem cordis gestata, *syncope* atque *cardialgiam* intulisse narratur ab Authoribus

gravissimis. Quorsum hæc? ut intelligas caustica ad aperiendam fistulam applicata suis tetrīs *misimus* totam corporis œconomiam posse pervetere. Sed ad calum absumendum quàm ineptè caustica usurpantur! Quis nescit causticum etiam parti sanæ applicatum *escharam* facere? sed si parti callosæ? decideret *eschara* quidem, at subjectis partibus remaneret durities. Huic assumendæ novum applicatur causticum: exindè novus callus eodem semper modo tollendus & renovandus. Hinc in annos non rarò torquentur ægri cruciatibus teterrimis, qui causticorum actionem expertes penè doloris passuros se putaverant. Quid de carunculis fungosis quæ ortum præbent etiàm caustica? Quis verò nescit partes breviori temporis spatio, longèque minori dolore incidi, quàm aduri? ferrum oculus dirigit nè longius quàm par est vagetur, nè quid labefactum relinquat intactum.

I V.

INCISIONEM perpeffurus variis præparationibus indiget, *phlebotomia*, catharticis, diætâ convenienti; alterantibus, si opus est, utatur. Paulò antè operationem alvus enemate solvenda & urina emittenda. Facilius operaberis, secum & urinæ ejectionem prohibebis. Tùm æger pronus lecti spondæ decumbat. Clunes porrigit à famulis diducendas. Brachia, ubiæ, femora, truncus immota teneantur. In Anum ægri sic compositi, indicem oleo illitum Chirurgus immittit, specillum in fistulam foris hiantem inserit, specillo intestinum paulò suprâ hiatum fistulæ perforat, specillum index in anstræ modum inflefit. Comprehenfa specillo tota fistula, foras lenitèr, ne partes dilacerentur, adducta scalpello incurvo circulariter abscinditur. Cæcam intrinsecus fistulam completam efficiat intestinum specillo perfodens Chirurgus. Hanc attrahat & excidat. Quò pertingat forintecus fistula quæ tantum perforat intestinum, declarat vulgò tumor externus, durus, saltem exiguus; hic aperiendus. Sic patetactâ, quæ specillum admittat, viâ; modum tenes operandi qui superius traditus est. Incisione peractâ, cuniculi, si qui sint, aperiantur, calli amputentur, rescentur habenulæ. Cavendum maxime nè furculus arteriosus, qui pulsatione facilè distinguitur, pro habenulâ incidatur. Crassior turunda oleo & ovi vitello simul mixtis imbuta in Anum immittatur; pluribus linamentis eodem liquore tinctis vulnus implendum, superposito splenio emplastro obducto, additis linteolis complicatis. Hæc ut firmentur, deligatione indigent. Deligandi modum accipe. Antequàm abscindatur fistula, mantile secundum longitudinem ter quaterve plicatum renes ægri cingat. Cingulum istud, linreo ab ægotantis collo antè & retrò pendenti (*scapulare* vocant) utrumque assuatur. Mantili verò renes cingenti adhæreat à tergo fascia sex digitos lata, duos cubitos circiter longa. Hæc apparatus vulneri applicatum comprehendens ad scrotum usque adducatur integra: quod reliquum est bifidum esse debet, ut intra crura excurrans, cum renum cingulo, de quo dictum est, antrorsum firmiter, connectatur. Post diem integrum primus solvitur apparatus. Turunda & linimenta balsamo *Arcei* & unguento Basilico, aut similibus Pharmacis deinceps oblinantur. Pure albo nec grave olente exillerte, renatisque, quantum deceptum est, genuinæ indolis carnibus, cicatrix unguenti pompholygos ope inducatur. Vulnus eò citius sanatum iri existimes, quò diætâ tenuiori toto curationis spatio usus fuerit ægotans.

V.

AG E nunc. Quid verearis ab excisione fistulæ? num hæmorrhagiam? at nulla est sc̃pissimè; si quæ tamen, facilè compescitur. Cùm amputatur mamma, plures similes secantur arteriæ: nùm ab hac operatione deterret hæmorrhagiæ metus? linamento solo sistitur fluxus sanguinis, Nequè eodem periculo, si quod imminet, vacat causticorum usus. *Eschara* quidem ab iis inducitur omnes vasorum histus occludit; eadè decidente nonnè rursus dehiscunt vasa? hinc obsolevit ferro

candenti sanguinem cohibendi consuetudo. At saltē, inquit causticorum patroni, ostium fistulæ cum forissecus non satis patescit, leviori caustico ampliandum est. Quidni ferro potius? si ferrum aded reformidet æger, spongia præparata in fistulam immissa, imbibito succo tumefacta paulatim ostium fistulæ dilatat. Verum cum majori dolore & tædio. Porior est dolor acutus qui brevi pungat, quàm levis qui diu molestus sit. Quare non audiendi sunt qui fistulam filo serico, vel setâ equinâ vinciendam & de die in diem constringendam donec secetur, prædicant. Isthæc operatio ed crudelior quod longior; insuper nec expers periculi. Si filo secetur vasa sanguinea, à constrictione superfedas oportet, & hæmorrhagiæ occurras. Quod si hoc non eveniat incommodi, doloremque ferat æger constanter, improbanda tamē illa: ad curationem enim fistulæ, non ipsa tantum sed cuniculi, si qui sint, aperiendi, habet. & callosa substantia excidenda. Hæc vincula illis nullo modo, causticis difficulter admodum, ferro facillimè perficies.

Ergo Ani fistula ferro tutius quàm causticis aut ligaturâ curatur.

DOMINI DOCTORES DISPUTATURI.

- | | | |
|--|--|---|
| M. Joannes-Baptista-Claudius JEANNET DES LONGROIS. | M. Tuffanus-Claudius-Nicolaus NARTIER, Academia Catalaunensis Socius. | M. Dionysius PAUTIER DE LABREUILLE, S. Comitum Gallo Provinciae Medicus primarius. |
| M. Franciscus - Nicolaus SIMMONET, in Senatu Patronus. | M. Edmundus - Joachimus BOURDOIS DE LA MOTTE, Chirurgiæ, veraculo Idiomatico Professor, ad annum 1787-8, decessit. | M. Natalis-Andreas-Joannes-Baptista CMESNEAU. |
| M. Franciscus DOUBLET, in Senatu Patronus, Civiliū tum Nosocomiorum, tum custodiarum subinspector. | M. Michael-Franciscus DE LA PLANCHE, Bibliotheca Præfectus. | M. Bartholomæus - Tuffanus LE CLERC, Consiliarius Medicus Regis ordinarius in ejus Castellio. |

Proponebat Parisiis FRANCISCUS - HENRICUS - THEODORUS COZETTE, Parisinus, Saluberrimæ Facultatis Medicinæ Parisiensis Baccalaureus.

A. R. S. H. 1786. AB OCTAVA AD MERIDIEM.

Typis QUILLAU, Universit. & Facultatis Med. Typograph. 1786.